

孟浩然集

四部叢刊初編集部

上海商務印書館縮印
江南圖書館藏明刊本

孟浩然集序

宣城王士源撰

孟浩然字浩然，襄陽人也。骨貌淑清，風神散朗，秋思釋紛，以立義表，蘊蘊藝竹，以全高尚。文游之中，通脫傾蓋，機警無匹，學不爲儒，務振菁莪。文不按古，匠心獨妙。五言詩，天下稱其盡美矣。間遊秘省，秋月新霽，諸英華賦詩，作會。浩然句曰：微雲淡河漢，疎雨滴梧桐。舉坐嗟其清絕。咸閣筆不復爲繼。丞相范陽張九齡侍御史京兆王維尚書侍郎河東裴虬范陽盧僊大理評事河東裴摠華陰太守鄭愔之守河南獨孤策率與浩然爲忘形之交。山南採訪使本郡守昌黎韓朝宗謂浩然間代清律，宜諸周行，必詠穆如之頌。因入秦，與偕行。先揚于朝，與期約。日引誦及期，浩然會察友文酒，講好甚適。或曰：子與韓公預諾而怠之，無乃不可乎？浩然叱曰：僕已飲矣。身行樂耳，遑恤其佗？遂畢席不赴。由是間罷。既而浩然亦不之悔也。其好樂忘名如此。士源佗時嘗筆讀之，曰：導漾挺靈寔生楚，英浩然清發亦其自名。開元二十八年，王昌齡遊襄陽時。

浩然疾疢發背，且愈，相得歡甚，浪情宴語，食醉疾動，終於治城南園。年五十有二，子曰僕南，浩然文不爲仕，佇興而作，故或違行，不爲飾勸，以求真。故侶誕遊，不爲利期，以放性，故常貧，名不繼於選部，聚不盈於檐石，雖屢空不給，而自若也。士源幼好名山，行年十八，首事陵山，踐止宿，獻咨求通玄，丈人又過蘇門，問道隱者，元知運太行採藥，經王屋，小有洞，太白習隱，談終南，終允倉子九篇，天寶四載，但夏詔書徵，謁京邑，與冢臣八座，討論山林之士，唐至始知浩然物故嗟哉，未祿於代史，不必書，安可暫驟妙韻，從此而絕，故許問文者，隨述所論，美行嘉聞，十不紀一。浩然凡所屬綴，就輒毀弃，無復編錄，常自歎爲文不逮意也。流落既多，篇章散逸，鄉里購採，不有其半。數求四方，往往而復，既無他事，爲之傳，大遂使海內衣冠，搢紳，經襄陽，思觀其文，蓋有不備見而去惜哉。今集其詩二百一十八首，分爲四卷，詩或缺逸，未成，而製思清美，及他人酬贈成錄，次而不弃耳。

重序

宜城王士源者，清思清遠，深鑒文理，常遊山水，不在人間著，允倉子數篇傳之於代。余父在集，賢常與諸學士，命此子不可得見。天寶中，忽獲浩然文集，乃士源爲之序，傳詞理卓絕，吟詠忘疲，書寫不一紙，墨薄弱，昔虞坂之上，逸駕與駑駘俱疲，吳鼃之中，孤桐與樵蘇共爨。遇伯樂與伯喈，遂騰聲於千古。此詩若不遇王君，乃十數張故紙耳。然則王君之清鑒，豈減孫蔡而已哉？余今繕寫，增其餘目，復貴士源之清才，敢重述於卷首，謹將此本送上。私府廢久，而不泯傳芳，無窮天寶九載正月初三日，待進行太常卿禮儀使集賢院修撰上柱國沛國郡開國公章滄叙。

孟浩然集卷第一

五言古詩

尋香山湛上人

朝游訪名山，山遠在空翠。氛氲亘百里，日入行始至。谷口聞鐘聲，林端識香氣。杖策尋故人，解鞍暫停騎。石門殊窈窕，重道轉森邃。法侶依相逐，清談曉不寐。平生慕真隱，累日探靈異。野老朝入田，山僧暮歸寺。松泉多清響，苔壁饒古意。願言投此山，身世兩相弃。

雲門寺西六七里聞符公蘭若最幽與薛八同往

謂余獨遊方，逢子亦在野。結交指松柏，同法尋蘭若。小溪分容甓，怪石屢驚馬。所居最幽絕，所住皆靜者。寥條夾路傍，清泉流舍下。一云雲天壑，下上人亦何閑。塵念俱已捨，四禪合真如。一切是虛假，願承甘露潤。喜得惠風洒，依止此山門。誰能效立也。

宿天台桐栢觀

海行信風帆，夕宿遶雲島。櫓聲淪洲近，愛赤城好。好們蘿亦隨，青輶憐恣探。計息陰翳桐栢採。

秀峯芝草鶴唳清露垂，鷄鳴信潮早。願言解纜，從此去。煩惱高步陵，四壁玄蹤得。三老紛吾遠，游意學此長。生道日夕望三山，雲濤空浩茫。

宿終南翠微寺

翠微終南裏，雨後宜返照。閉關久沈冥，杖策一登眺。遂造幽人室，始知靜者妙。僑道難異門，雲林頗同調。兩心喜相得，畢景共談笑。腰還高意，眠時見遠山。燒緇懷赤城，標更憶臨海。嶠風泉有清音，何必辭門嘯。

春初漢中漾舟

羊公峴山下，一云漾舟。神女漢皋曲，雪罷冰復開。春潭千丈綠，輕舟恣來往。探覈無厭足，波影搖攸斂。沙光逐人目，傾杯魚鳥醉。聯句鶯花續，良會難再逢。日入須東蜀。

宿來公山房期丁大不至

夕陽度西嶺，群壑餘已暝。松月生夜涼，風泉滿清聽。樵人歸欲盡，煙鳥棲初定。之子期宿來，孤琴候蘿迥。

耶溪泛舟

落景餘清暉，輕桡弄溪渚。泓澄愛水物，臨泛何

容與白首垂釣翁
新粧浣沙女
相看未相識
脉脉不得語

彭蠡湖中望廬山

太虛生月暈
舟中知天風
挂席候明發
渺漫平湖中
中流見巨阜
勢壓九江雄
黯黯凝紫黛
色峰巒當曙空
香爐初上日
瀑水噴成虹
久欲追尚子
况茲懷遠公
我來限于役
未暇息微躬
淮海途將半
星霜歲欲窮
寄言崑崙客
早赴當來同

登鹿門山懷古

清曉因興來
乘流越江峴
沙禽近方議
浦樹遙莫辨
漸到鹿門山
山明翠微淺
簾櫳多屈曲
舟楫屢迴轉
昔聞龐德公
採藥遂不返
金闕采芝術
石牀卧苔鮮
紛吾感舊結
攬事攀蹊隱迹今尚存
高風邈已遠
白雲何時去
丹桂空偃蹇
探討意未窮
燈夕陽晚

遊明禪師西山蘭若

西山多奇狀
秀出傍前楹
云石臨幽壑
石壁停千秋
彩翠夕陽照
分明吾師住
其下禪生說
無生結廬就巖窟
蕭竹通逕行
談空對焦叟
授法與山精
日暮方辭去
田園歸冶城

聽鄭五指彈琴

阮籍推名飲
清風坐竹林
半酣下衫袖
拂拭龍脰琴
一杯彈一曲
不覺夕陽沈
余意在山水間
之諧風心

疾愈過龍泉寺精舍呈易叢二上人

停午聞山鐘
起行散愁疾
尋林挾芝去
轉谷松蘿密
傍見精舍開
長廊飯僧畢
后渠流雪水
金子耀霜橘
竹房思舊遊
過恐終永日
入洞窺石髓
傍崖採蜂窠
日暮辭遠公
虎溪相送出

襄陽旅泊寄閩九司戶

桂水通百越
扁舟期晚發
荆門蔽三巴
夕望不見家
裏王夢行
雨才子請長沙
長沙饒瘴癘
胡爲苦留滯
久別思款顏
承歡懷接袂
接袂杳無由
徒增旅泊愁
清猿不可聽
公月下湘流

大堤行寄萬七

大堤行樂處
車馬相馳突
歲歲春草生
踏青二三
月王孫挾珠彈
遊女矜羅襪
攜手今莫同
江花爲誰發

還山贈湛禪師

幼聞無生理
常欲觀此身心迹
罕兼遂崎嶇多

在塵晚途歸善整偶與支公鄰喜得林下契共
推席上珍念茲泛苦海方便示迷津導以微妙
法結爲清淨因煩惱業頭捨山林情轉殷朝來
問疑義夕話得清真墨妙稱古絕詞華驚世人
揮毫閒處靜花藥連冬春平石藉琴親落泉酒
衣巾欲知明滅意朝夕海鷗馴

秋登萬山寄張五

北山白雲裏隱者自怡悅相望始登高心隨鴈
飛滅愁因薄暮起興是清秋發時見歸村人平
沙渡頭歇天邊樹若青江畔洲如月何當載酒
來共醉重陽節

登江中孤嶼贈白雲先生王迥

悠悠清江水水落沙嶼出回潭石下深綠篠岸
傍密蛟人潛不見漁父歌自逸憶與君別時泛
舟如昨日夕陽開晚照中坐興非一南望鹿門
山歸來恨相失

晚春臥疾寄張八子容

南陌春將晚北窓猶臥病林園久不遊草木一
何盛疾淫花將盡開庭竹掃淨翠羽戲蘭若頽
鱗動荷柄念我平生好江鄉遠從政雲山阻夢

思余枕勞感詠感復何爲同心恨別離世途
皆自煩流俗寡相知賈誼才空遠安仁髮欲絲
遲情每東注奔泉復西馳常恐填溝壑無由振
羽儀窮通若有命欲向論中推

書懷貽京邑故人

惟先自鄒魯家世重儒風詩禮襲遺訓越庭紹
末躬晝夜常自強詞賦頗亦工三十旣成立嗟
吁命不遇慈親向羸老喜懼在深衷甘脆朝不
足簞瓢夕屢空執鞭慕夫子捧檄懷毛公感激
遂彈冠安能守固窮當塗訴知己投刺匪求蒙
蹇楚邀離異翻飛何日同

遊雲門寺寄越府包戶曹徐起居

我行適諸越夢寐懷所歎久負獨往願今未恣
遊盤合嶺踐嶺石耶溪沂林端捨舟入香界登
閣憩旂檀晴山泰望近春水鏡湖寬遠行竹
接平位徒勞安白雲去久滯滄海遇來觀故園
眇天末良朋在朝端遲爾同携手何時方挂冠

示孟郊

蓬蒿蔽極野蘭芝結孤根根音何其繁伯牙獨
不喧當時高深意舉世無能分鍾期一見知山

水千秋聞爾其保靜節薄俗徒云云

山中逢道士雲公

春餘草木繁耕種滿田園酌酒聊自勸農夫安
與言忽聞荆山子時出桃花源採樵過北谷貧
藥來西村村烟日云夕榛路有歸客杖策前相
逢依然是晴昔邂逅歡觀止殷勤叙離隔謂余
搏扶桑輕舉振六關奈何偶昌運獨見還草澤
既笑接輿狂仍憐孔丘厄物情趨勢利吾道貴
閑寂偃息西山下門庭罕人跡何時還清溪從
爾煉丹液

歲暮海上作

仲尼既已沒余亦浮于海客見斗柄迴方知歲
星改虛舟任所適垂釣非有待爲問乘槎人滄
洲復何在

越中逢天台太子

仙穴遙羽人停轡向前拜問余涉風水何事遠
行適登陸臺天台順流下吳會茲山風所尚安
得聞靈怪上通青天高俯臨滄海大鷗鳴見日
出每與仙人會來去赤城中逍遙白雲外每苦
異人間瀑布作空界福庭長不死華頂舊稱最

永願從此遊何當濟所屆

自潯陽泛舟經明海作

大江分九派淼漫成水鄉舟子乘利涉往來還
潯陽因之泛五湖源流經三湘觀濤壯拔發昂
屈痛沉湘魏闕心常在金門詔不忘遙憶上林
鴈冰泮已回翔

早發漁浦潭

東旭早光茫渚禽已鶯聒臥聞漁浦口橈聲暗
相撥日出氣象分始知江路闊美人常晏起照
影弄流沫飲水畏驚猿祭魚時見獺舟行自無
悶况值晴景豁

經七里灘

余奉垂堂誠千金非所輕爲多山水樂頻作泛
舟行五岳追尚子三湘吊屈平湖經洞庭闕江
入新安清復聞嚴陵賴乃在此川路遙嶂數百
里沿河非一起彩翠相氛氲別派亂奔注釣磯
平可坐苦磴滑難步猿飲石下潭鳥還日邊樹
觀奇復來晚倚棹惜將暮揮手弄潺湲從茲洗
塵慮

南陽北阻雪

我行滯宛許日夕望京祿曠野莽茫鄉山在何處孤烟村際起歸鴈天邊去積雪覆平皋饑鷹捉寒兔少年弄文墨屬意在章句十上耻還家徘徊守歸路

將適天台別臨安李主簿

枳棘君尚棲輓瓜吾豈繫念離當夏首漂泊指炎裔江海非墮遊田園失歸計定山旣早發漁浦亦宵濟泛泛隨波瀾行行任艤柁故林日已遠郡水坐成翳羽人在丹丘吾亦從此逝

適越別譙縣張主簿申屠少府

朝乘汴水流夕次譙縣界幸因西風吹得與故人會君學梅福隱余隨伯鸞適別後能相思浮雲在吳會

送從弟邕下第後歸會稽

疾風吹征帆倏爾向空沒千里去俄頃三江坐超忽向來共歡娛日夕成楚越落羽更分飛誰能不驚骨

送辛大之鄂渚不及

送君不相見日暮獨愁緒江上久徘徊天邊迷處所郡邑經樊鄧雲山入嵩汝清輪去漸遙石

逕徒延佇

江上別流人

以我越鄉客逢君謫居者分飛黃鶴樓流客蒼梧野驛使乘雲去征帆沿溜下不知從此分還袂何時把

洗然弟竹亭

吾與二三子平生結交深俱懷鴻鵠志共有鶴鶴心逸氣假毫翰清風在竹林遠是酒中趣琴上偶然音

夜登孔伯昭南樓時沈太清朱昇在座

誰家無風月此地有琴罇山水會稽郡詩書孔氏門再來值秋杪高閣夜無喧華燭照燃蠟清絃方奏鵠沈生隱侯胤朱子買臣孫好我意不淺登茲共話言

宴鮑二宅

閑居枕清洛左右接人野門庭無雜賓車轍多長者是時方正夏風物自蕭灑五月休沐歸相携竹林下開襟成歡趣對酒不能罷烟暝棲鳥迷余將歸白社

峴潭作

石潭傍隈隈沙岸曉禽綠試垂竹竿釣果得查
頭歸笑人騎金錯鐙手贈紅鮮因謝陸內史章
荑何足傳

齒坐呈山南諸隱

習公有遺座高在白雲隱熊子見不識山僧實
自知以余爲好事携手一來窺竹露閑夜滴松
風清晝吹從來抱微尚況復感前規於此無奇
策養生奚以爲

與王昌齡宴黃十一

歸來卧青山常夢遊清都添園有傲吏惠我在
招呼書幌神仙籙畫屏山海圖酌霞復對此宛
似入蓬壺

襄陽公宅飲

窈窕夕陽佳丰茸春色好欲資淹留處無過狹
斜道綺席卷龍鬚香杯浮馬腦北林積修樹南
池生別島手撥金翠花心迷玉芝草談天光六
義發論明三倒座非陳子驚門還魏公掃榮辱
應無間歡娛當共保

同張明府清鏡嘆

妾有盤龍鏡清光常晝發自從生塵埃有若霧

中月愁來試取照生嘆生白髮寄語邊塞人如
何又離別

夏日南亭懷辛大

山光忽西落日漸東上散髮乘夜涼開軒臥
聞敲荷風送香氣竹露滴清響欲取鳴琴彈恨
無知音賞感此懷故人中宵勞夢想

秋宵月下懷

秋空明月懸光彩露濕濕驚鵲棲不定飛螢卷
簾入庭槐寒影疎鄰杵夜聲急佳期曠何許望
空佇立

仲夏歸南園寄京邑舊遊

嘗讀高士傳最嘉陶徵君日耽田園趣自謂曩
皇人余復何爲者栖栖徒問津中年廢丘壑上
國旅風塵忠欲事明主孝思侍老親歸來冒炎
暑耕稼不及春扇枕北窓下採芝南澗濱因聲
謝朝列音慕穎陽真

家園臥疾畢太視見尋

伏枕舊遊曠笙歌勞夢思平生重交結追此令
人疑冰室無暖氣炎雲空赫曦隙駒不暫駐日
聽涼蟬悲壯圖竟未立班白恨吾衰夫子自南

楚緬懷嵩次期

田家元日

昨夜斗回北，今朝歲起東。我年已強仕，無祿尚憂農。野老就耕去，荷鋤隨牧童。田家占氣候，共說此年豐。

晚泊潯陽望香鑪峯

挂席幾千里，名山都未逢。泊舟潯陽郭，始見香鑪峯。嘗讀遠公傳，永懷塵外踪。東林精舍近，日暮空聞鐘。

萬山潭

垂釣坐磐石，水清心益閒。魚行潭樹下，猿挂島藤間。將女昔解佩，傳聞於此山。求之不可得，沿月棹歌還。

入峽寄弟

吾昔與汝輩，讀書常閉門。未嘗冒湍險，豈願垂堂言。自此歷江湖，辛勤難具論。往來行旅弊，開壑禹功存。壁立千峯峻，湍流萬壑奔。我來凡幾宿，無夕不聞猿。浦上搖歸櫓，舟中失夢魂。淚沾明月峽，心斷鵲鴛原。離關星難聚，秋深露易繁。因君下南楚，書此寄鄉園。

宿揚子津寄潤州長山劉隱士

所思在夢寐，欲住大江深。日夕望京口，煙波愁我心。心馳茅山洞，目極楓樹林。不見少微星，霜勞夜吟。

送丁大鳳進士赴舉呈張九齡

吾觀鵠鶴賦，君負王佐才。惜無金張援，十上空歸來。棄置鄉園老，翻飛羽翼推。故人今在位，岐路莫遲迴。

送吳悅遊韶陽

五色憐鳳雛，南飛過鵠鵠。楚人不相識，何處求倚梧。去去日千里，茫茫天一隅。安能與斤鷗，共起但檣櫓。

送陳七赴西軍

吾觀非常者，碌碌在目前。君負鴻鶴志，蹉跎書劍年。一聞邊烽動，萬里忽爭先。余亦赴京國，何當獻凱還。

田家作

弊廬隔塵喧，惟先養恬素。卜鄰芳三逕，植果盈千樹。卑余任推遷，三十猶未遇。書稅時將晚，丘園日空暮。農興自多懷，晝坐常寡悟。冲天羨鴻鵠，

鴛鴦食差雞鶩望斷金馬門勞歌採蔗路鄉曲
無知已朝端乏親故誰能爲楊雄一薦甘泉賦

從張丞相遊紀南城獵戲贈裴迪張參軍

從食非吾樂不好雲夢田歲晏臨城望只令鄉
思懸奈何有數子聯騎何翩翩世祿金張貴官
曹幕府連歲時行殺氣飛刃爭割鮮十里屈突
館微聲匿技逞高標迴落日平楚壓芳煙何意
狂歌客從公亦在旂

登望楚山最高頂

山水觀形勝襄陽美會稽最高惟望楚曾木一
攀躋石壁疑削成衆山比全低晴明試登陟目
極無端倪雲夢掌中小武陵花處迷暝還歸騎
下蘿月在深溪

採樵作

採樵入深山山深水重疊橋關臥杳樵路險垂
藤接日落伴將稀山風拂襟衣長歌負輕策平
野望烟歸

早梅

園中有早梅年例犯寒開少婦爭攀折將歸捧

鏡臺猶言看不足更欲剪刀裁

澗南園師事贈飲上人

弊廬在郭外素業唯田園左右林野曠不闢城
市喧釣竿垂北澗樵唱入南軒書取幽棲事還
尋靜者論

王迥見尋

歸閒日無事雲卧盡不起有客款柴扉自云果
居子居閒好花木採藥來城市家在鹿門山常
遊澗澤水手持白羽扇腳步青芒屨聞道鶴書
微臨流還洗耳

與黃侍御北津泛舟

津無蛟龍患日夕常安流本欲避馳馬何知同
鷁舟豈伊今日幸曾是昔年遊莫羨琴中鶴且
隨波上鷁堤緣九里郭山面百城樓自顧躬耕
者才非管樂儔聞君薦草澤從此泛滄洲

題長安主人壁

久廢南山田課陪東閣賢欲隨平子去猶未厭
甘泉枕席琴書滿寒帷遠岫連我來如昨日庭
對忽鳴蟬促織驚寒女秋風感長年投衣嘗九
月無褐竟誰憐

庭橘

明發覽群物萬木何陰森疑霜漸漸水庭橘似
縣金女伴爭攀摘窺窺葉深並生憐共帶相
示感同心肯刺紅羅被香粘翠羽簪攀來玉盤
裏全勝在幽林

孟浩然集卷第一

孟浩然集卷第二

七言古詩

夜歸鹿門歌

山寺鳴鐘已昏漁梁渡頭爭渡喧人隨沙岸
向江村余亦乘舟歸鹿門鹿門月照開煙樹忽
到龐公棲隱處巖扉松徑長寂寥惟有幽人自
來去

和盧明府送鄭十三還京兼寄之

昔時風景登臨地今日衣冠送別筵閑臥自傾
彭澤酒思歸長望白雲天洞庭一葉驚秋早漢
落空嗟滯江島寄語朝廷當世人何時重見長
安道

送王七尉松滋得陽臺雲

君不見巫山神女作行雲霏紅杳暎曉氣氤
嬋流入襄王夢倏忽還隨零雨分空中飛去復
飛來朝朝暮暮下陽臺愁君此去爲仙尉便逐
行雲去不迴

鸚鵡洲送王九遊江左

昔登江上黃鶴樓遙愛江中鸚鵡洲勢遠遶
繞碧流鶯鶯鷺滿沙頭沙頭日落沙碕長金

沙羅耀動颺光舟人牽錦纜浣女結羅裳月明
全見蘆花白風起遙聞杜若香若行采采莫相
忘

高陽池送朱二

當昔襄陽雄盛時山公常醉習家池池邊釣女
自相隨粧成照影競來窺澄波淡淡芙蓉發綠
岸粧粧楊柳垂一朝物變人亦非四面荒涼人
住稀意氣豪華何處在空餘草露濕羅衣此地
朝來錢行者翻向此中牧征馬征馬分飛日漸
斜見此空爲人所嗟殷勤爲訪桃源路予亦歸
來松子家

五言排律

西山尋辛詩

漾舟乘水便因訪故人居落日清川裏誰言獨
羨魚石潭窺洞徹沙岸歷紆餘竹嶼見垂釣茅
齋聞讀書款言忘景夕清興屬涼初回也一瓢
飲醉哉常要如

冬至後遇吳張二子檀溪別業

上築依自然檀溪不更穿園林二友接水竹數
家連直取南山對非關遠地偏卜鄰依五畝共

井護王官曾是歌三樂仍聞詠五篇草堂時偃
曝蘭櫺日周旋外事情都遠中流性所便閑垂
太公釣興發子猷船余亦幽棲者經過竊慕焉
梅花殘臘日柳色半春天鳥泊隨陽鴈魚藏縮
項鰓停杯問山簡何似習池邊

陪張丞相自松滋江東泊渚宮

故溜下松滋登舟命楫師堂忘經濟日不憚
寒時洗穢登獨古濯纓良在茲政成人自理機
息鳥無疑雲物吟孤嶼江山辯四維晚來風稍
緊冬至日行遲獵擊驚雲夢漁歌激楚辭渚宮
何處是川原欲安之

陪盧明府泛舟起鵝山作

百里行春返清流逸興多鵝舟隨鴈泊江火共
星羅已救田家旱仍憂俗化訛文章推後輩風
雅激頽波高岸迷陵谷新聲滿棹歌猶憐不調
者白首未登科

陪張丞相祠紫蓋山途經玉泉詩

望秩宣王命齋心待漏行青襟列尊子從事有
參卿五馬尋歸路夔林指化城聞鐘度門近照
瞻玉泉清阜蓋依林懸繡徒擁錫迎天宮近光

率沙界豁迷明欲就終焉志恭聞智者名人隨
逝水嘆波逐覆舟傾想像若在眼周流空復情
謝公還欲臥誰與濟蒼生

臘月八日於剡縣石城寺禮拜

石塘開金像香山糖鐵園下生彌勒見回向一
心歸竹栢潭庭古樓臺世界稀夕嵐增氣色餘
照發光輝講席遙談柄泉堂施浴衣願承功德
水從此濯塵機

同獨孫使君東齋作

郎官舊華省天子命分憂
再流雲陰自南楚河潤及東周
屏宇宜新霽田家實有秋
竹間殘照入池上夕陽浮
寄謝東陽守何如八詠樓

峴山送朱大去非遊巴東

峴山南郭外送別每登臨
沙岸江村近松門山寺深
一言余有贈三峽爾相尋
祖席宜城酒征途雲夢林
踈跼遊子意蒼鷺故人心
去矣勿淹滯巴東猿夜吟

宴張記室宅

甲第金張館門庭軒騎多
家封漢陽郡文會楚

村過曲島浮觴酌前山入詠歌
妓堂花映發香閣柳逶迤
玉指調箏柱金泥跡舞羅
誰知書劍者年歲獨蹉跎

登龍興寺閣

閣道乘空出披軒遠目開
逶迤見江勢客至屢緣迴
茲郡何填委遙山復幾哉
蒼蒼皆草木處處盡樓臺
驟雨一陽散行舟四海來
鳥歸餘興滿周覽更徘徊

登總持寺浮屠

半空躋寶塔晴望盡京華
竹遶渭川遍山連上苑斜
四門開帝宅千陌俯人家
累劫從初地爲童憶聚沙
一窺功德見彌益道心加
坐覺諸天近空香送落花

東崔二十一遊鏡湖寄包賀二公

試覽鏡湖物中流見底清
不知鱖魚味但識鷗鳥情
帆得樵風送春逢穀雨晴
將探夏禹穴稍背越王城
府掾有包子文章推賀生
清浪醉後唱因子寄同聲

本蘭黎新亭作

八解禪林秀三明給苑才地偏
香界遠心靜水

亭開傍險山，查立尋幽石。迴迴瑞花長，自下靈藥豈須裁。碧網交紅樹，清泉盡綠苔。戲魚聞法聚，聞鳥誦經來。棄象玄應悟，忘言理必談。靜中何所得，吟詠也徒哉。

長安早春

關戍惟東漢，城池起北辰。咸歌太平日，共樂建寅春。雪盡青山樹，水開黑水濱。草迎金埒馬，花伴玉樓人。鴻漸看無數，鶯歌聽欲頻。何當桂花枝，擢歸及柳條新。

秦中苦雨思歸贈袁左丞賀侍郎

爲學三十載，閉門江漢陰。明敷逢聖代，羈旅屬秋霖。豈直昏墊苦，亦爲權勢沉。二毛催白髮，百鎰盡黃金。淚憶峴山墜，愁懷湘水深。謝公積憤，憑莊舄空謠吟。躍馬非吾事，狎鷗真我心。寄言當路者，去矣北山岑。

陪張丞相登荊州城樓因寄蘇臺張使君及浪泊戍主劉家

薊門天北畔，銅柱日南端。出守聲彌遠，投荒法未寬。側身聊倚望，攜手莫同懽。惟白壁無瑕玷，青松有歲寒。府中丞相閣，江上使君灘。興盡迴舟。

去方知行路難

荆門上張丞相

共理分荆國，招賢愧楚材。召南風更聞，丞相閣還開。觀止欣眉睫，沉淪拔草萊。坐登徐孺榻，頻接李膺杯。始慰蟬鳴柳，俄看雲間梅。四時年盡，千里客程催。日下瞻歸翼，沙邊厭曝鰓。佇聞宣室召，星象復中台。

和宋太史北樓新亭

返耕意未遂，日夕登城隅。誰謂山林近，坐爲符竹拘。麗譙非改作，軒檻是新圖。遠水自蟠冢，長雲吞具區。願隨江燕賀，羞逐府寮趨。欲識狂歌者，丘園一豎儒。

夜泊宣城界

西塞沿江島，南陵問驛樓。潮平津濟闊，風止客帆收。去懷前浦遠，泛泛夕流遒。逢羅剎磯山，泊敬亭山。火燒梅根冶，煙迷楊葉洲。離家復水宿，相伴賴沙鷗。

奉先張明府休沐還鄉海亭宴集

自君理畿甸，余亦經江淮。萬里音信斷，數年雲雨乖。歸來休澣日，始得賞心諧。朱紱心雖重，滄

洲趣每懷樹低新舞閣山對舊書齋何以發佳
興陰蟲鳴夜塔

同張明府君送贈答

別業聞新製同聲和者多還看君給答不羨綠
珠歌自有陽臺女朝朝拾翠過舞庭鋪錦繡粧
闌開藤蘿秋滿休閑日春餘景色和仙鳬能作
伴羅襪共交波別島尋花藥迴潭折支荷更憐
斜日照紅粉艷青娥

贈蕭少府

上德如流水安仁道若山聞君秉高節而得奉
清顏鴻漸昇台羽牛刀列下班處腹能不潤居
劇體常閑去許人無語除邪吏息軒欲知清與
潔明月在澄灣

同王九題就師山房

晚愁支公室故人逢左軍軒窗避炎暑翰墨動
新文竹閉窓裏日暮竹雨隨塔下雲同遊
清陰遍吟臥夕陽照江靜棹歌歇溪深蕉語聞
歸途未忍去攜手聽清芬

上張吏部

公門世緒昌才子冠裴王自出平原還爲吏

部郎神仙餘氣色列宿動輝光夜直南宮靜朝
趨北基長時人窺水鏡明主賜衣裳翰苑飛鸞
鵠天池待鳳凰

和于判官登萬山亭因贈洪府都督韓

公

韓公美襄土日賞城西岑結構意不淺嵩潭越
轉深皇華一動詠荆國幾譴吟舊徑蘭勿翦新
堤柳欲陰砌傍餘惟石沙上有閑禽自牧豫章
郡空瞻楓樹林因聲寄流水善聽在知音者書
眇不接崔徐無處尋物情多貴遠賢俊豈遙今
遲爾長江暮澄清一洗心

下澈石

瀟石三百里汭汭千嶂間沸聲常浩浩洑勢亦
潺潺跳沫魚龍沸垂藤猿狖攀榜人苦奔峭而
我忘險艱放溜情彌遠登崖目自開暝帆何處
泊遙指落星灣

行至漢川作

異縣非吾土連山盡綠簑平田出郭少盤纏入
雲長萬壑歸於海千峯劃彼蒼猿聲亂楚峽人
語帶巴鄉石上橫板樹藤間養蜜房雲餘春未

曠風解畫初陽征馬疲登頻歸帆愛渺茫生欣
沁瀟下信宿見維桑

又滯越中贈謝南池會稽賀少府

陳平無產業尼父倦東西郭昔云野間津今
已迷未能忘魏闕空此滯秦稽兩見夏雲起再
聞春鳥啼懷仙梅福市訪舊若耶溪聖主賢爲
寶卿何隱適樓

送韓使君除洪府都督

述職撫荆衡分符襲觀榮往來看擁傳前後類
專城勿翦棠猶在波澄水更清重推江漢理旋
改諫章行召父多遺愛羊公有令名衣冠列祖
道者舊擁前旌峴首晨風送江陵夜火迎無才
慙孺子千里愧同聲

盧明府九日峴山宴袁使君張郎中崔

負外

宇宙誰開闢江山此鬱盤登臨今古用風俗歲
時觀地理荆州分天涯楚塞寬百城今刺史華
省舊郎官共美重陽節俱懷落帽歡酒邀彭澤
戴琴輒武城彈獻壽先浮菊萼幽武籍蘭烟虹
鋪藻輸松竹挂衣冠叔子神如在山公典未闌

嘗聞騎馬醉還向習池看

宴崔明府宅夜觀妓

畫堂觀妙妓長夜正留賓獨吐蓮花艷粧成桃
李春聲葉低舞席衫袖掩歌唇汗濕偏宜粉羅
輕詎著身詞移事柱促歡會酒杯頻催使曹王
見應嫌浴清神

韓大侯東齋會岳上人諸學士

郡守虛陳榻林間召楚材山川祈雨旱雲物喜
晴開抗禮軍縫掖臨流揖渡杯徒攀朱仲李誰
薦和羹梅輪墨綠情製高深以意裁滄洲趣不
遠何必問蓬萊

初年樂城館中臥疾懷歸

異縣天隅僻孤帆海畔過往來鄉信斷留滯客
情多臘月聞雷震東風感歲和蟄虫驚戶尤巢
鷯巧庭柯徒對芳樽酒其如伏枕何歸來理舟
楫江海正無波

上巳日澗南園期王山人陳七諸公不

至

搖艇候明發花源弄晚春在山懷綺季臨溪憶
荀陳上巳期三月浮杯興十旬坐歌空有待行

無恨無陣日晚蘭亭此煙花曲水濱
送女孫文值幽人后壁華題序沙場好解神群公
望不至虛擲此芳辰

送莫氏甥兼諸昆弟從韓司馬入西軍
念爾詩禮未嘗離戶庭平生早偏露萬里更
飄零坐存三冬業行觀八陣形飾裝辭故里謀
策赴邊庭壯志吞鴻鵠遙心伴鵲鶴所從文與
武不戰自應寧

峴山送黃貞外之荊州

峴山江岸曲郢水郭門前自古登臨處非今獨
巖然亭樓明落日井邑秀通川澗竹生幽興林
風入管絃再飛鵬激水一舉鶴沖天佇立三荆
使者君駟馬旋

送王昌齡之嶺南

洞庭去遠近楓葉早驚秋峴首羊公愛長沙賈
誼愁上風無綰紆鄉味有查頭已抱沉痾疾更
貽魘魅憂數年同筆硯茲夕異衾裯意氣今何
在相思望斗牛

孟浩然集卷第二

孟浩然集卷第三

五言律詩

與諸子登峴山

人事有代謝往來成古今江山留勝迹我輩復
登臨水落魚梁淺天寒夢澤深羊公碑尚在
麗淚沾襟

臨洞庭

八月湖水平涵虛混太清氣蒸雲夢澤波撼岳
陽城欲濟無舟楫端居耻聖明坐觀垂钓者徒
有羨魚情

晚春

二月湖水清家家春鳥鳴林花掃更落徑草踏
還生酒伴來相命開樽共解醒當杯已入手歌
妓莫停聲

歲暮歸南山

北闕休上書南山歸弊廬不才明主棄多病故
人疎白髮催年老青陽逼歲除永懷愁不寐松
月夜窺虛

梅道士水亭

傲吏非凡吏名流即道流隱居不可見高論莫

能酬水接仙源近山藏鬼谷幽尋來達處所花
下問漁舟

閑園懷錄子

林園雖少事幽獨自多違向夕開簾坐庭陰
落微鳥從煙對宿螢傍水軒飛感念同懷子京
華去不歸

留別王維

寂寂竟何待朝朝空自歸欲辜芳草去惜與故
人違當路誰相假知音世所稀祗應守寂寞還
掩故園扉

武陵泛舟

武陵川路狹前埭入花林莫測幽源裏仙家信
幾深水迴青嶂合雲渡綠谿陰坐聽闌猿嘯彌
清塵外心

同曹三御史行泛湖歸越

秋入詩人興已歌和者稀泛湖同旅泊吟會是
歸思白簡徒推薦滄洲已拂衣杳冥雲海去誰
不羨鴻飛

遊景空寺蘭若

龍象經行處山腰度石關屢迷青嶂合時愛綠

蘿閑宴息花林下高談竹嶼間家家隔塵事疑
是入雞山

陪張丞相登嵩陽樓

獨步人何在嵩陽有故樓歲寒問耆舊行難
諸侯決奔北彌望沮漳東會流客中遇知己無
復越鄉憂

與顏錢塘登極亭望湖作

百里雷聲震鳴紘暫輟彈府中連騎出江上待
潮觀照日秋雲迥浮天渤澥實驚濤來但雲一
坐凜生寒

大禹寺義公禪

義公習禪家結宇依空林戶外一峯秀塔前衆
壑深夕陽連雨足空翠落庭陰看取蓮花淨方
知不染心

尋白鶴峰張子容隱居

白鶴青嵩吟幽人有隱居塔庭空水石林參麗
樵漁歲月青松老風霜苦竹疎觀茲懷舊壑携
策返吾廬

九日

九日未成句重陽即此晨登高事故事載酒訪

幽人落帽忘歡飲授衣同試新朱夏正可佩折
取寄情親

除夜樂城張少府宅

雲海訪旣聞風濤泊島濱如何歲除夜得見故
鄉親余是乘槎客君爲失路人平生復能幾一
別十餘春

舟中晚望

挂席東南望青山水國遙艣櫓爭利涉未往往
風潮問我今何適天台訪石橋坐看霞色晚疑
是赤城標

遊精思觀廻王白雲在後

出谷未停午至家已夕曛廻瞻山下路但見牛
羊羣蕉子暗相失草蟲寒不聞衡門猶未掩佇
立待天君

與杭州薛司戶登樟亭驛

水樓一登眺半出青林高帶幕失僚散芳筵下
客叨山蕨伯禹穴城壓伍胥濤今日觀溟漲垂
綸欲釣鼈

尋天台山作

吾友太一子淦霞臥赤城欲尋華頂去不憚惡

溪名歌馬憑雲宿揚帆載海行高高翠微裏遙
見石梁橫

宿立公房

支遁初求道深公笑買山何如石嵒趣自入戶
庭間苔潤春泉滿蘿軒夜月閑能令許玄度吟
臥不知還

尋隱逸人故居

人事一朝盡荒蕪三徑休始聞漳浦臥春作岱
宗遊池水猶含墨山雲已落秋今朝泉壑裏何
處覓藏舟

姚開府山池

主人新邸第相國舊池臺館是招賢閣樓因教
舞開軒車人已散蕭管鳳初來今日龍門下誰
知文舉才

夏日浮舟過滕逸人別業

水亭涼氣多閑棹晚來過澗影見藤竹潭香聞
艾荷野童扶醉舞山鳥笑酣歌幽賞未云過煙
光奈夕何

夏日辨玉法師茅齋

夏日茅齋裏無風坐亦涼竹林新笋穠篠架引

稍長驚悉其冥處蜂來造窠房物華皆可翫花
藝四時芳

與張折衝遊耨耨寺

釋子彌天秀將軍武庫才橫行塞北盡獨步漢
南來貝葉傳金口山櫻作賦開因君振嘉藻江
楚氣雄哉

與白明府遊江

故人來自遠邑宰復初臨執手恨爲別同舟無
墨心沁洲渚趣演漾絃歌音誰識躬耕者年
年桑甫吟

遊精思題觀主山房

誤入花源裏初梅竹逕深方知仙子宅未有世
人尋舞鶴過開砌飛猿啼密林漸通玄妙理深
得坐忘心

奉梅道士

彭澤先生柳山陰道士鶴我來從所好停策夏
雲多重以觀魚樂因之鼓枻歌崔嵬跡未朽千
載揖清波

陪姚使君題惠上人房得詩字

帶雪梅初暖含煙柳尚青來窺童子偈得聽法

王經會理知無我觀空厭有形迷心應覺悟客
思不違寧

晚春遠上人南亭

給園文遁隱虛寂養閑和春晚臺木秀關關黃
鳥歌林棲居士竹池養右軍鶻花月北窓下清
風期弄過

人日登南陽驛門亭子懷漢川諸友

朝來登陟處不似陽時異縣殊風物舊懷多
所思剪花驚歲早看柳許春遲未有南飛鴈戴
書欲寄誰

遊鳳林寺西嶺

共喜年華好來遊水石間烟容闌遠對春色滿
幽山壺酒朋情洽琴歌野興闌莫愁歸路賸招
月伴人還

陪獨孤使君同與蕭員外證登萬山亭

萬山青嶂曲千騎使君遊神女鳴環佩仙郎接
獻酬遍觀雲臺野自愛江城樓何必東南守空
傳沈隱侯

贈道士麥康

蜀琴久不弄玉匣細塵生絳腕絃將斷金徽色

尚祭知音徒自惜
豐俗本相輕
不遇鍾期聽誰知
靈鳳聲

京還贈張維

拂衣去何處
高枕南山南
欲徇五斗祿
其如七不堪
早朝非晏起
束帶異抽簪
因向智者說
遊魚思舊潭

題李十四莊兼贈茶母校書

聞君息陰地
東郭柳林間
左右瀝澗水
門庭綈氏山
抱琴來取醉
垂釣坐乘閑
歸客莫相待
綠源殊未還

寄趙正字

正字昔嘗聞
幽人竹葉園
經過宛如昨
歸臥寂無喧
高鳥能擇木
孤羊漫觸藩
物情今已見
從此願忘言

秋登張明府海亭

海亭秋日望
委曲見江山
滌輪軒題壁
傾壺一解顏
歡逢彭澤令
歸賞故園間
余亦將琴史
棲遲共取閑

題融公蘭若

精舍買金闌
流泉遶砌廻
芝荷薰講席
松栢映

香臺
法雨晴飛去
天花重下來
談玄殊未已
歸騎夕陽催

九日龍沙寄劉大

龍沙諫章北
九日挂帆過
風俗因時見
湖山發興多
客中誰送酒
棹裏自成歌
歌竟乘流去
酒消任夕波

洞庭湖寄閻九

洞庭秋正闊
余欲泛歸船
莫辨荆吳地
唯餘水共天
沙瀾江樹沒
合沓海湖連
遠爾爲舟楫
相將濟巨川

和李侍御渡松滋江

南紀西江潤
皇華御史雄
養流亭假楫
挂席自生風
案案爭攀鷁
魚龍亦避驄
坐聞白雲唱
翻入棹歌中

秦中感秋寄上人

一丘常欲臥
三徑苦無資
壯土非吾願
東林懷我師
黃金然桂盡
壯志逐年衰
日夕京風至
聞蟬但益悲

重調李少府見贈

養疾衡茆下
由來浩氣真
五行將禁火
十步想

暮春致故維桑梓邀歡即故人還看後凋色青
翠有松筠

宿永嘉江寄山陰崔國輔少府

我行窮水國君使入京華相去日千里孤帆天
一涯卧聞海潮至起視江月斜借問同舟客何
時到永嘉

上巳日洛中寄王迥十九

上洛成周地浮杯上巳筵關難寒食下走馬射
堂前垂柳金堤合平沙翠幕遠不知王逸少何
處會羣賢

閨妻侍御融自襄州司戶除豫州司戶

因以投寄

故人荆府掾尚有栢臺威移職自樊沔芳聲聞
帝畿昔余卧林巷賈酒訪崇扉松菊無君賞鄉
園頗欲歸

江上寄山陰崔國輔少府

暮春楊柳發憶與故人期草木本無意枯榮自
有時山陰定遠近江上日相思不及蘭亭會空
吟被淚詩

送沈然弟進士舉

獻策金門去承歡彩服違以吾一日長念爾
星霜昏定須溫席寒多未授衣挂杖如已擢早
逐鴈南飛

夜泊廬江聞故人在東林寺以詩寄之

江路經廬阜松門入虎溪聞君尋寂樂清夜宿
招提石鏡山精舍禪林怖鶴棲一燈知悟道為
照客心迷

宿桐廬江寄廣陵舊遊

山暝聽猿愁滄江急夜流風鳴兩岸葉月照一
孤舟建德非吾土維揚憶舊遊還將數行淚還
寄海西頭

南還舟中寄袁太祝

公派非便習風波厭苦辛忽聞遷公鳥來報五
陵春嶺北迴征棹巴東問故人桃源何處是越
子正迷津

東陵遇雨率爾貽謝南池

田家春事起丁壯就東陵殷殷雷聲作森森雨
足垂海虹晴始見河柳稠初移余意在耕隸四
君問土宜

行至汝墳寄盧徵君

行乏憩余駕依然見汝城洛川方麗雪萬峰有
殘雲曳曳半空裏溶溶五色分聯題一詩興因
寄盧徵君

寄天台道士

海上來仙客三山望幾時焚香宿華頂長露採
靈芝屢踐尋苔滑將尋汗漫期儻因松子去長
與世人辭

和張明府登鹿門山

忽示登高作能寬旅寓情結歌既多暇山水思
彌清草得風先動虹因雨後成謬承巴俚和非
敢應同聲

和張三自穰縣還途中遇雪

風吹沙海雪來作柳園春宛轉隨香騎輕盈伴
玉人歌疑野中客態比洛川神今日南歸楚雙
飛促入秦

歲除夜會樂城張少府宅

曠昔通家好相知無間然轉明催盡燭守歲接
長筵舊曲梅花唱新正杯酒傳客行隨處樂不
見度年年

自洛之越

連連三十載書劍兩無成山水事異越風塵厭
洛京扁舟泛湖海長揖謝公卿且樂杯中酒誰
論世上名

歸至郢中作

遠遊經海嶠返棹歸山阿日夕見喬木鄉園在
伐柯愁隨江路盡喜入郢門多左右看桑土依
然即雁化

途中遇晴

已失巴陵雨猶逢蜀坂泥天開斜景逼山出曉
雲低餘濕猶霏霏殘流尚入谿今宵有明月鄉
思遠懷悽

蔡陽館

日暮馬行疾荒人住稀聽歌疑近楚投館忽
知歸舊種田疇廣草陵氣色微明朝拜墓須
著老萊衣

他鄉七夕

他鄉逢七夕旅館亦羈愁不見穿針婦空懷故
國樓緒風初減熱新月始登秋誰忍窺河漢迢
迢望斗牛

夜泊牛渚赴薛八船不及

星羅牛渚夕風送鷗舟遲滿漱常同宿烟波忽
聞之榜歌空裏失船火望中疑明發泛湖海茫
茫何處期

晚入南山

遶氣曉氛嵐南山沒水雲鯉飛今始見鳥墮青
來聞地接長沙近江從泊渚分賈生曾吊屈余
亦落斯文

夜渡湘水

客行貪利涉夜裏渡湘川露氣聞香杜歌聲識
採蓮榜人投岸火漁子宿潭煙行旅時相問渾
陽何處邊

赴命途中逢雪

暹邈秦京道蒼茫歲暮天窮陰連晦朔積雪滿
山川落鴈迷沙渚飢鳥噪野田客愁空佇立不
見有人烟

宿武陵即事

川暗夕陽盡孤舟泊岸初嶺猿相叫嘯潭影但
空虛就枕滅明燭扣船聞夜漁雞鳴問何處人
物是秦餘

同盧明府餞張郎中除義王府司馬海

園作

上國山河裂賢王邸第開故人分職去潘令寵
行來冠蓋趨累花江湘失楚材預愁軒騎動
客散池臺

落日望鄉

客行愁落日鄉思重相催况在他山外天寒夕
鳥來雪深迷鄧路雲暗失陽臺可歎懷遠子勞
歌誰爲媒

永嘉上清館逢張八子容

迴旅相逢處江村日暮時聚山遙對酒旅興共
題詩屨宇鄰蛟室人烟接島夷鄉關萬餘里失
路一相悲

送張子容赴舉

夕照山照滅送客出柴門惆悵野中別殷勤醉
後言茂林余偃息奮木爾飛翻無使谷風誦須
今友道存

送張參明經舉兼向涇州省親

十五綵衣年承歡慈母前孝廉因歲貢懷橘向
秦川四座推文舉中郎許仲宣泛舟江上別誰
不仰神仙

浙江至武昌

家本洞庭上歲時歸思催客心徒欲遠江路告
還迴疎東因風解新梅交臘開行看武昌柳勢
繁映樓臺

唐城館中早發寄楊使君

犯霜驅曉駕數里見唐城旅館歸心逼荒村客
思登訪人留後信策蹇赴前程欲識離魂斷長
空聽馬聲

陪李侍御謁鴻禪上人

欣逢相臺舊共謁聽公禪石室無人到繩床見
虎眠陰崖常抱雪松澗爲生泉出處雖云異同
惟在法筵

和張丞相春朝對雪

迎氣當春立承恩喜雪來潤從河漢下花遍
驚開不觀豐年瑞安知變理才散塵如可擬
林和羹梅

孟浩然集卷第三

孟浩然集卷第四

五言律詩

送吳宣從事

才有幕中畫而無塞上勳漢兵將滅虜王蔡始
從軍旌旆邊亭去山川地脉分平生一七首感
激贈夫君

送張祥之房陵

我家南渡隱慣習野人舟日夕弄清溪林端逆
上流山河據形勝天地生豪首君意在利涉知
音期暗投

送桓子之郢城過禮

聞君馳絲騎蹀躞指南荆爲結潘楊好言過郢
郢城標梅詩已贈燕鴈禮將行今夜神仙女應
來感夢情

早春潤州送弟還鄉

兄弟遊吳國庭闈感楚關已多新歲感更饒白
眉還歸泛西江水離筵北固山鄉園欲有贈梅
柳著先攀

送告八從軍

男兒一片氣何必五車書好勇方過我才多便

起金運籌將入幕養拙就閑居正待功名遂從君繼兩蹠

送元公之鄂渚奉觀主張餘慶

桃花春水漲之子忽乘流岷首離蛟浦江邊問鶴樓贈君青竹枝送爾白蘋洲應是神仙董相期汗漫遊

峴山錢房瑄崔宗之

貴賤平生隔軒車是日來青陽一觀止雲霧豁然開祖道衣冠列分亭驛騎催方期九日聚還待二星更

送王五昆季省覲

公子應庭幃勞歌涉海沂水乘舟楫去親望老萊歸斜日催鳥鳥清江照綵衣平生急難意遙仰鵲鶴飛

送崔易

片玉來誇楚治中作主人江山增潤色詞賦動陽春別館當虛敞離情任吐伸因聲兩京舊誰念卧漳濱

送盧少府使入秦

楚關望秦國相去千里餘州縣勤王事山河轉

使車祖筵江上列離別恨前書願及芳年賞驛駕二月初

送謝錄事之越

清旦江天迥涼風西北吹白雲向吳會征帆亦相隨想到耶溪日應探禹穴奇仙書儻相示余在北山陞

洛下送奚三還楊州

水國無邊際丹行共使風羨君從此去朝夕見鄉中余亦離家久南歸恨不同音書若有問江上會相逢

送袁十嶺南尋弟

早聞牛渚詠今見鵲鴿心羽翼差零落悲鳴別故林蒼梧白雲遠烟水洞庭深萬里獨飛去南風遶爾音

永嘉別張子容

舊國余歸楚新年子北征挂帆愁海路分手應朋情日夜故園意汀洲春草生何時一杯酒重與子膺傾

送袁太祝尉豫章

何幸遇休明觀光來上京相違武陵客獨送陳

章行隨膝黃綬離臺會墨卿江南佳麗地山水舊難名

都下送辛大之鄂

南國辛居士言歸舊竹林未逢調鼎用徒有清川心余亦忘機者田園在漢陰因君故鄉去遠寄式微吟

送席大

惜爾懷其寶送別係客遊江山歷全楚河洛越成周道路疲千里鄉園老一丘知君命不偶同病亦同憂

送賈昇主簿之荊府

奉使推能者勤王不暫閑觀風隨接察乘騎度荆關送別登何處開筵舊峴山征軒明日遠空望郢門間

送王大校書

導漾自嵯峨東流爲漢川維桑君有意解纜我開筵雲雨從茲別林端意渺然尺書能不悵時望鯉魚傳

浙江西上留別裴劉二少府

西上浙江西臨流恨解携千山疊成嶂萬壑合

爲溪石淺流難派漲長陰易轉誰憐問津者歲暮此中迷

京還留別新豐諸友

吾道昧所適驅車還向東主人開舊館留客醉新豐樹邊溫泉綠塵暈晚日紅拂衣從此去高步躡華嵩

廣陵別薛八

士有不得志懷懷吳楚間廣陵相遇罷彭蠡泛舟還櫓出江中樹波連海上山風帆明日遠何處更追攀

臨渙裴明府席遇張十一房六

河縣柳林邊河橋晚泊船文叨才子會官喜故人連笑語同今夕輕肥異往年晨風理歸棹吳楚合依然

盧明府早秋宴張郎中海園即事

邑有絃歌宰翔鸞狎野鷗眷言華省舊暫滯海池遊鬱島藏深竹前溪對舞樓更聞書郎事雲物是新秋

同盧明府早秋夜宴張郎中海亭

側聽絃歌宰文書游夏徒故園欣賞竹爲邑幸

來蘇華省曾聽事仙舟復與俱欲知臨泛久荷
露漸成珠

崔明府宅夜觀妓

白日既云暮朱顏亦已酡畫堂初點燭金幌半
垂羅長袖平陽曲新聲子夜歌從來慣留客茲
夕爲誰多

宴榮山人池亭

甲地金張宅一云門第榮期樂自多輕嘶支遁
馬池養右軍鶴竹引嵇琴入花邊薰客過山公
時取醉來唱接離歌

夏日宴衛明府宅

言避一時暑池亭五月開喜逢金馬客同飲王
人杯舞鶴乘軒至遊魚擁釣來座中殊未起簫
管莫相催

清明日宴梅道士房

林下愁春盡園軒覽物華忽逢青鳥使邀我亦
松家丹竈初開火仙桃正發花童顏若可駐何
惜醉流霞

寒食宴張明府宅

瑞雪初盈尺寒宵始半更列筵邀酒伴刻燭限

詩成香炭金爐暖嬌妓玉指清厭厭不覺醉歸
路曉霞生一云醉林妨曉

和賈主簿升九日登峴山

楚萬重陽日群公賞燕來共乘休沐暇同醉菊
花杯逸思高秋發歡情落景催國人感寡和通
愧洛陽才

宴張別駕新齋

世業傳珪組江城佐股肱高齋徵學問虛薄誼
先登議論陪諸子文章得舊周士元多賞激美
病恨無能

李氏園臥疾

我愛陶家趣林園無俗情春雪百卉凋寒食四
隣清伏枕嗟公幹歸田美子平年年白社客空
滯洛陽城

過故人莊

故人具雞黍邀我至田家綠樹村邊合青山郭
外斜開筵面場圍把酒話桑麻待到重陽日還
來就菊花

途中九日懷襄陽

去國已如昨倏然經杪秋峴山不可見風景令

人愁誰採籬下菊應開池上樓宜城多美酒歸
與翁強遊

初出關旅亭夜坐懷王大校書

向夕槐烟起惹籠池館驛客中無偶坐關外惜
離群燭至螢光滅荷枯雨滴聞永懷逢關友家
室清揚雲

李少府與王九再來

弱歲早登龍今朝喜再逢何如春月柳猶憶歲
寒松烟火臨寒食全歌咽曙鐘喧喧難道行
樂美朋從

奉張五

閑就龐公隱移居近河湖興來林是竹歸卧谷
名懸挂席然風便開軒琴月孤歲寒何用賞霜
落故園兼

張七及辛大兄訪

山公能飲酒居士好彈琴世外交初得林中契
已并納涼風邇至逃暑日將傾便就南亭裏餘
樽惜解醒

題張野人園廬

與君園廬並微尚頗亦同耕釣方自逸壺觴起

不空門無俗士駕人有上皇風何必先賢傳唯
稱龐德公

過故融公蘭若

池上青蓮宇林間白馬泉故人成異物過客獨
潸然既獲新松塔還尋舊石筵平生竹如意猶
挂草堂前

早寒江上有懷

木落鴈南度北風江上寒我家湘水曲遙隔楚
雲端鄉淚客中盡歸帆天際看迷津欲有問平
海夕漫漫

南山下與老圃期種瓜

樵木南山近林間北郭餘先人留素業老圃作
鄰家不種干株橘唯資五色瓜邵平能就我開
徑翦蓬麻

裴司士見訪

府寮能枉駕家醞復新開落日池上酌清風松
下來厨人具雞黍稚子摘楊梅誰道山公醉猶
能騎馬迴

除夜

迢遞三巴路轟危萬里身亂山殘雪夜孤燭異

鄉人漸與骨肉遠轉於僮僕視那堪正漂泊來
日歲華新

傷峴山雲表上人

小小學書劍秦吳多歲年歸來一登陴陵谷尚
依然世意餐霞客忽隨朝露先因之間閭里托
臂幾人全

賦得盈盈樓上女

夫婿久別離青樓空望歸粧成卷簾坐愁思嬾
縫衣鴛子家家入楊花處處飛空牀難獨守誰
爲解金徽

春怨

佳人能畫眉粧罷出簾帷照水空自愛折花將
遣誰春情多豔逸春意倍相思愁心極楊柳一
種亂如絲

閨情

一別隔炎涼君衣忘短長裁縫無處等以意付
情量長瘦宜傷窄防寒更厚裝半啼封裏了知
欲寄誰將

寒夜

關夕綺窗閑佳人罷縫衣理琴開寶匣就枕臥

重帷夜久燈花落薰籠香氣微錦衾重自暖遠
莫曉霜飛

美人分香

艷色本傾城分香更有情翠鬟垂欲解眉黛拂
能輕舞學平陽態默翻子夜聲春風斜道含
笑待逢迎

七言律詩

登安陽城樓

縣城南面漢江流江潭開成南雍州才子乘春
來聘望羣公暇日坐銷憂樓臺晚映青山郭羅
綺晴嬌綠水洲向夕波搖明月動更疑神女弄
珠遊

歲除夜有懷

五更鍾漏欲相催四氣推遷往復迴帳裏殘燈
殘有焰鑪中香氣盡成灰漸看春逼芙蓉枕頭
覺寒消竹葉杯守歲家家應未臥相思那得夢
魂來

登萬歲樓

萬歲樓頭望故鄉獨令鄉思更茫茫天寒鴈度
堪垂淚月落猿啼欲斷腸曲引古堤臨東浦斜

分遠岸近枯楊今朝偶見同袍友却喜家書寄
八行

春情

青樓曉日珠簾映紅粉春粧寶鏡催已厭交催
倚枕席相將遊戲遙池臺坐時衣帶紫纖草行
即裙裾搖落梅更道明朝不當作相期共關管
結來

五言絕句

宿建德江

移舟泊烟渚日暮客愁新野曠天低樹江清月
近人

春晚

春眠不覺曉處處聞啼鳥夜來風雨聲花落知
多少

送朱大入秦

遊人五陵去寶劍直千金分手脫相贈平生一
片心

送友人之京

君登青雲去余望青山歸雲山從此別淚濕
羅衣

初下浙江舟中口號
八月觀潮罷三江越海尋回嶺關路無復子
牟心

醉後贈馬四

四海重然諾吾常聞白眉秦城遊俠客想得半
耐時

檀溪尋古

花半成龍竹池分灌馬溪田園人不見疑向武
陵迷一作吳興

同張將前門看燈

異俗非鄉俗新年改故年前門看火樹疑是燭
龍然

峴山亭寄晉陵張少府

峴首風端急雲帆若鳥飛憑軒試一問張翰欲
來歸

口號贈王九

日暮田家遠山中勿久淹歸人須早去稚子望
陶潛

同儲十二洛陽道中作

珠彈繁華子金羈遊俠人酒酣白日暮走馬入

紅塵

尋菊花潭主人不遇

行至菊花潭，村西日已斜。主人登高去，雞犬空

在

張郎中梅園作

綺席鋪蘭杜，珠簾析芙蓉。故園留不住，應是戀

絃歌

問舟子

向夕問舟子，前程復幾多。潭頭正好泊，淮裏足

風波

揚子津望京口

北國臨京口，夷山近海濱。江風白浪起，愁殺渡

頭人

北湖泛舟

北湖汎汎舟，清淺處通流。自有遊何必五

湖中

洛中訪袁拾遺不遇

洛陽訪才子，江嶺作流人。聞說梅花早，何如北

地春

送張郎中還京

碧溪常共賞，朱邸忽遷榮。預有相思意，聞君琴

上聲

戲贈主人

客醉眠未起，主人呼解醒。已言難黍熟，復道麴

頭清

七言絕句

過融上人蘭若

山頭禪室挂僧衣，窗外無人溪鳥飛。黃昏半在

下山路，却聽泉聲聽翠微

涼州詞二首

渾成紫橦金屑文，記得琵琶聲入雲。胡地迢迢

三萬里，那堪馬上送明君

異方之樂令人悲，羌笛胡笳不用吹。坐看今夜

關山月，思殺邊城遊俠兒

越中送張少府歸秦中

試登秦嶺望秦川，遙憶青門更可憐。仲月送君

從此去，瓜時須及邵平田

清江問同舟人

潮落江平未有風，輕舟共濟與君同。時時引領

望天末，何處青山是越中

送杜十四

荆吳相接水爲鄉君去春江正渺茫
日暮征帆泊何處天涯一望斷人腸

孟浩然集卷第四終

